

Glasnik Sai Vibrionike

www.vibrionics.org

“Kad god vidite nesretnu, bolesnu ili potištenu osobu, to je polje vašeg služenja, seve.”

...Sri Sathya Sai Baba

Svezak 7, broj 5

septembar/oktobar 2016

U ovom broju

☞ Iz pera dr Jit K. Aggarwala	1
☞ Slučajevi s kombo-preparatima	2 - 7
☞ Profili praktičara	7 - 9
☞ Kutak za odgovore	10 - 11
☞ Božanske riječi Vrhunskog Iscjelitelja	11
☞ Obavještenja	12
☞ Dodatak	12

☞ Iz pera dr Jit K. Aggarwala ☞

Dragi praktičari,

Čast mi je i zadovoljstvo s velikom radošću i poštovanjem obavijestiti vas o primjernoj inicijativi i služenju naših praktičara iz Kerale. U ovom mjesecu ćemo se usredsrediti samo na njih jer je ovo vrijeme *Onama*, najsvetijeg i najradosnijeg praznika u Kerali, koji slavi priču o patuljastom *avataru* Vamani. Ovo je vrijeme kada Keralce iz Patale (nižih svjetova) posjećuje njihov veliki kralj, Mahabali, koji svake godine dolazi da provjeri blagostanje svojih podanika. Keralci su na radost svih nas uvijek organizirali prekrasnu i raskošnu proslavu *Onama* u Swamijevom božanskom prisustvu. Kerala je zemlja gorljivih poklonika među kojima, sretan sam što mogu primijetiti, postoji mnogo posvećenih vibro praktičara.

Ko ne bi bio impresioniran posvećenošću tri osobe, čiji ćete profile naći na narednim stranicama ovog broja, a da ne pominjemo sveukupan broj slučajeva? U Kerali imamo 106 praktičara. Mnogi od njih služe u zaostalim plemenskim područjima i siromašnim krajevima u kojima nema odgovarajućih medicinskih ustanova. Pored toga što primaju pacijente kod kuće, oni organiziraju i redovne medicinske kampove, na kojima su u proteklih sedam godina vibro lijekovima opskrbili nevjerovatnih pola miliona ljudi. Njihovo služenje je izuzetno traženo i cijenjeno. Pored toga, praktičari iz Kerale preuzeli su na sebe cijeli posao nabavljanja i sastavljanja 108CC kutija. Tu ima mnogo više posla nego što se vidi na prvi pogled jer samo bočice, naprimjer, dolaze u pet dijelova koje treba pažljivo sastaviti. To naša srca ispunja ogromnom zahvalnošću i poštovanjem.

U nastojanju da kontinuirano podižemo standarde obučavanja, u posljednjih nekoliko mjeseci uspostavili smo novu proceduru koja podrazumijeva da svaki novi polaznik ima sebi dodijeljenog iskusnog praktičara kako bi se omogućila podrška jedan-na-jedan. Ovaj program traje dok AVP ne stekne dovoljno znanja i iskustva kako bi mogao biti promaknut na sljedeći nivo (VP) te postane potpuno utemeljen u praksi vibrionike. Još jedan mali korak u našem poniznom pokušaju da “volimo sve i služimo svima”.

Posljednje ali ne i najmanje važno, mreža za odašiljanje vibracija spomenuta u majsko-junskom izdanju glasnika sada je uspostavljena i funkcionalna. Više detalja možete naći u Dodatku.

Na samom kraju, kako je spomenuto u prethodnim brojevima, nastavljam sa zahvalnošću i poniznošću odavati priznanje impresivnom napretku ovog sistema iscjeljivanja koji se uvijek razvija i širi. S dubokom iskrenošću čestitam svim praktičarima koji radosno dijele svoje vrijeme i energiju za dobrobit svih svojih saputnika, za iscjeljenje svih nas.

U služenju Saija s ljubavlju,

Jit K Aggarwal

☞ Slučajevi s kombo-preparatima ☞

1. Gubitak vida ^{11958...India}

Gospođa (40) koja je dvije godine patila od kratkovidosti kontaktirala je praktičarku 13. jula 2015. zbog makularne distrofije. Dioptrija joj je iznosila DO-6/60, LO-6/24*, a vid na blizinu - N36**. Konsultirala je liječnike u Indiji i Londonu. Rečeno joj je da za njeno stanje nema lijeka i da će postepeno izgubiti vid. Također su joj postavili izazov - ako igdje na svijetu pronađe lijek za svoju bolest, oni će joj pokriti troškove liječenja! U decembru 2013. pacijentica je zbog gubitka vida napustila svoj posao avijatičke inženjerke. Nije imala drugih problema sa zdravljem. Nije uzimala lijekove, ali je uzimala antioksidante. Priznala je da su joj u proteklih nekoliko godina porodični problemi uzrokovali mentalnu traumu; gubitak vida, uporedo s tim, uzrokovao je osjećaj depresije.

Dana 20. augusta 2015. dobila je sljedeće:

#1. CC7.2 Partial vision + CC12.1 Adult tonic + CC15.1 Mental & Emotional tonic + CC15.2 Psychiatric disorders + CC17.2 Cleansing...TDS

#2. CC7.2 Partial vision...QDS napravljeno u ružinoj vodici u vidu očnih kapi

Vid joj se počeo popravljati u roku od mjesec dana. Postepeno je počela prepoznavati ljude, počela koristiti mobilni telefon, bila u stanju pročitati naslovne vijesti na TV i u novinama. Sada može čitati velika slova, a za mala slova je dobila pomagala za čitanje kao npr. povećalo. Od 1. jula 2016. dioptrija joj iznosi: DO 6/24, LO 6/9; vid na blizinu - N18. Također, sada može podučavati djecu. Vrlo je sretna i zahvaljuje svom Gospodu koji joj je povratio vid! Nastavlja uzimati gornju kombinaciju.

Komentar praktičarke:

U ovom slučaju, poboljšanje vida je značajno jer nije bilo konvencionalnog tretmana za ovo stanje te se očekivalo da će gospođa postepeno izgubiti vid u potpunosti.

Objašnjenje urednika:

***Kratkovidost:** 6/6 je normalan vid. 6/12 znači da osoba može vidjeti predmete na udaljenosti od samo 6m, a koje osoba s normalnim vidom može vidjeti na udaljenosti od 12 m. 6/24 znači da osoba može vidjeti predmete na udaljenosti od 6m koje osoba s normalnim vidom može vidjeti na udaljenosti od 24 m.

****Poremećaj vida na blizinu:** N5 je najviši stepen vida na blizinu, N7-N8 blago oštećenje, N10-N18 umjereno oštećenje, N20-N36 jako oštećenje i N48 najniži nivo vida na blizinu.

+++++

2. Diskoloracija lica, hirsutizam ^{11958...India}

Gospođa (70) koja je patila od crne diskoloracije kože lica te hirsutizma koji je primijetila tri sedmice ranije, obratila se praktičarki 29. februara 2016. Patila je od diskoloracije na oba obraza te izrastanja dlaka s obje strane brade. Njen posao je podrazumijevao izlaganje suncu koje je moguće uzrokovalo pomenuto stanje. Propisali su joj kremu za izbjeljivanje koja je pomogla u nekoj mjeri, ali gospođa nije bila zadovoljna.

Dobila je sljedeće:

#1. CC8.1 Female tonic + CC12.1 Adult tonic + CC15.1 Mental & Emotional tonic + CC21.1 Skin tonic...TDS

#2. CC8.1 Female tonic + CC21.1 Skin tonic...TDS u ružinoj vodi da stavlja na lice.

Gospođa nije koristila mast za kožu nakon što je počela vibro liječenje. Koža joj se popravila za 50% u roku od tri dana. Do kraja sedmice došlo je do 80% poboljšanja u diskoloraciji, dok joj se brada potpuno povukla. U maju 2016. gotovo da nije bilo diskoloracije (oko 2%). Pacijentica je nastavila uzimati **#1 TDS** uporedo s facijalnom primjenom **#2**.

+++++

3. Varikozne vene, respiratorne alergije ^{11958...India}

Dana 17. februara 2016. gospođa (30) kontaktirala je praktičara zbog jakih bolova u nogama usljed proširenih vena. Patila je od toga godinu dana, a bol je bila tako jaka da joj je remetila noćni san. Postojala je moguća nasljedna predispozicija jer je i njena baka patila od istog problema. Također je u protekle dvije godine patila od rinitisa uzrokovanog alergijom na prašinu. Njeni simptomi su uključivali curenje iz nosa, kihanje i grlobolju. Pokušala je s homeopatskim tretmanom za oba stanja, ali bez mnogo olakšanja. Dobila je sljedeće:

Za proširene vene:

#1. **CC3.7 Circulation + CC12.1 Adult tonic + CC15.1 Mental & Emotional tonic...TDS**

#2. **CC3.7 Circulation...QDS** u vodi da stavlja na noge

Za respiratorne alergije:

#3. **CC12.1 Adult tonic + CC15.1 Mental & Emotional tonic + CC19.2 Respiratory allergies + CC19.7 Throat chronic...6TD**

Za vrijeme liječenja vibrionikom nije uzimala nikakve druge lijekove. Krajem prve sedmice, osjetila je poboljšanje od 50% u nogama. Nakon dvije sedmice u nogama je osjećala 90%-no olakšanje od bolova, ali samo 75% olakšanja od curenja iz nosa, kihanja i grlobolje. Dana 17. marta bol u nogama je u potpunosti nestao. Doziranje #1 i #2 je smanjeno na **BD** i pacijentkinja je prestala uzimati lijek nakon pet sedmica.

Dana 10. aprila je izjavila da osjeća stopostotno olakšanje od svih simptoma rinitisa. Doziranje #3 je postepeno smanjivano u naredne tri sedmice do nule. U vrijeme posljednjeg ažuriranja, u maju 2016, nije imala relaps niti u jednom od pomenutih stanja.

+++++
4. Karcinom dojke ^{11993...India}

U vrijeme kad je kontaktirala praktičara, gospođa (50) je bila vezana za krevet nakon niza tretmana liječenja raka grudi. Prvu dijagnozu raka je dobila u martu 2013. Uradili su joj jednostranu mastektomiju, terapiju zračenjem i hemoterapiju. U početku je tretman bio uspješan, ali se rak vratio te se otkrilo da se širi. Zatim je prošla deset sesija hemoterapije, koje nije mogla podnijeti, što ju je vezalo za krevet.

Dana 1. septembra 2013. dobila je sljedeće:

CC2.1 Cancers – all + CC2.2 Cancer pain + CC12.1 Adult tonic + CC15.1 Mental & Emotional tonic...6TD

Nakon dva mjeseca, 1. novembra, došlo je do 50% poboljšanja. Pacijentkinja je hodala bez pomoći te je bila u stanju sama obavljati toaletu. Nakon četiri mjeseca, u januaru 2014, došlo je do poboljšanja od 75%. Pacijentkinja je počela ići u jutarnje šetnje te obavljati kućanske poslove. Krajem šeste sedmice, u martu, poboljšanje je bilo gotovo 90%. Do maja 2014. pacijentkinja se oporavila u potpunosti. Testovi su pokazali da u tijelu nema ni traga karcinoma. Doziranje je sada smanjeno na **TDS** mjesec dana, zatim **BD** sljedeći mjesec te **OD** u sljedećih šest mjeseci, nakon čega je smanjeno na **OW**, a nakon toga na na jednom u dvije sedmice. Od augusta 2016. osjeća se dobro i uzima dozu za održavanje od jednom mjesečno.

+++++
5. Karcinom želuca, crijeva i bubrega ^{11993...India}

Gospođa (58) je bila u terminalnoj fazi raka koji se širio želucem, crijevima i bubregom. Dijagnosticirali su joj rak šest mjeseci prije nego što je kontaktirala praktičara 20. jula 2013. Šest mjeseci je bila na alopatskim tretmanima, uključujući šest sesija hemoterapije, ali to nije mnogo pomoglo. Patila je od strahovitih bolova u želucu, jako je izgubila na težini, patila je od velike iscrpljenosti te od oticanja stopala. Bila je vezana za krevet te izgubila svaku nadu. Također joj je opadala kosa, još jedna od posljedica hemoterapije. Praktičar je pregledao izvještaje skeniranja, biopsije i nekoliko drugih medicinskih testova koji su potvrdili dijagnozu.

Dobila je sljedeće:

CC2.1 Cancers – all + CC2.2 Cancer pain + CC12.1 Adult tonic + CC15.1 Mental & Emotional tonic...TDS

Nakon dva mjeseca došlo je do poboljšanja od 50%. Kosa joj je počela ponovo rasti, oticanje stopala se smanjilo, povećao joj se nivo energije i počela se kretati. Na sljedećim kontrolama pokazala je daljnje znake napredovanja jer je počela izlaziti u jutarnju šetnju, praviti kratke izlaske te nastavila obavljati kućanske poslove bez pomoći. Ta su se poboljšanja odrazila u medicinskim nalazima. Dana 15. januara 2014. pacijentkinja je izjavila da je u potpunosti izliječena od raka. Doziranje je zatim postepeno smanjeno na preventivnu dozu od jednom u svaka tri mjeseca. Od augusta 2016. nastavlja biti aktivna, uzima preventivnu dozu i nije imala relaps.

Napomena urednika: Ovaj praktičar je uspješno tretirao nekoliko slučajeva raka koristeći istu kombinaciju. Te slučajeve ovdje ne možemo objaviti zbog ograničenog prostora.

6. Zatajenje bubrega ^{11993...India}

Muškarac (44) je kontaktirao praktičara 31. augusta 2013, jer je u proteklih sedam dana išao na dijalizu tri puta sedmično. Imao je dugu historiju različitih problema kao što su anksioznost, stres i migrena zbog kojih je bio ovisan o nekoliko alopatskih lijekova. Problemi s bubrezima su prvi put počeli tri godine ranije, 2010. Dvije godine kasnije, nivo kreatinina mu se popeo na 9* te ga je morao spuštati redovnom dijalizom. Kad je posjetio praktičara, nalaz krvi je pokazivao da su mu svi bubrežni parametri abnormalno visoki.

Dobio je sljedeće:

CC12.1 Adult tonic + CC13.4 Kidney failure + CC15.1 Mental & Emotional tonic...6TD.

Nastavio je uzimati alopatske lijekove uporedo s vibropatskim. Nakon dva mjeseca, nivo kreatinina mu je značajno spao na između 3 i 3.5 te je dijaliza smanjena na dva puta sedmično. Nakon još mjesec i po, dijaliza je do daljnjeg smanjena na jednom sedmično. Od 1. januara 2014. išao je na dijalizu samo jednom mjesečno, a kreatinin mu je iznosio između 2.5 i 3. Od 1. marta 2014. više nije trebao dijalizu jer mu je kreatinin spao na 1.9. Doziranje je sada smanjeno na **OW** mjesec dana, zatim na jednom mjesečno dva mjeseca, nakon čega je prekinuo s uzimanjem. Od augusta 2016. stanje mu se nije vratilo.

Napomena urednika: Normalan nivo kreatinina u krvi iznosi između 0.6 i 1.2 mg/dl kod odraslih muškaraca te između 0.5 i 1.1 mg/dl kod odraslih žena. Mišićavi mladi ljudi ili osobe srednje dobi mogu imati više kreatinina u odnosu na ostatak populacije. Starije osobe, s druge strane, mogu imati niži nivo kreatinina u odnosu na normu. Dojenčad imaju normalan nivo od 0.2 ili više, u ovisnosti od razvijenosti mišića. Kod ljudi koji pate od pothranjenosti, ozbiljnog gubitka težine te dugotrajne bolesti postoji tendencija smanjivanja mišićne mase tako da njihov nivo kreatinina može biti manji u odnosu na onaj koji se očekuje za njihov uzrast.

7. Kamenac u bubregu ^{11993...India}

Žena (32) kojoj su u januaru 2013. dijagnosticirali kamen u bubregu kontaktirala je praktičara u septembru tražeći lijek. Nalaz je pokazao četiri kamena veličine 3mm, 6mm, 6.5mm i 8mm. Patila je od jakih bolova u leđima, u kukovima, oticanja stopala te poteškoća prilikom mokrenja. Uzimala je alopatski lijek prethodnih osam mjeseci. To joj je pružalo samo olakšanje od bola, ali nije uklonilo kamenac. Doktori su joj savjetovali operaciju, koju je ona odbila. Pacijentkinja je također patila od bolova u zglobovima zbog kojih je preko godinu dana uzimala suplementarni kalcij.

Dana 8. septembra 2013. dobila je sljedeću kombinaciju:

CC12.1 Adult tonic + CC13.5 Kidney stones + CC15.1 Mental & Emotional tonic...TDS

Pacijentkinja je na vlastitu inicijativu prestala s uzimanjem alopatskih lijekova prije nego što je počela sa vibro tretmanom. Dva mjeseca kasnije, 3. novembra 2013., donijela je praktičaru nalaz sa zadnjeg pregleda koji je pokazivao da su dva kamena nestala, a da su se dva preostala smanjila na 4mm i 5mm. Dana 4. januara 2014. pacijentkinja je bila potpuno oslobođena simptoma, a svi kamenci su nestali. Doziranje je zatim smanjivano na preventivnu dozu od **OW** koju je uzimala šest mjeseci. Pacijentkinja se osjeća dobro i kamenac joj se nije vratio.

Komentar urednika: Pacijentkinja je uzimala suplemente kalcija za koje se otkrilo da su rizični faktor za razvoj kamenca u bubregu. Na donjem linku se nalaze korisni savjeti za prevenciju bubrežnog kamenca: <http://www.mayoclinic.org/diseases-conditions/kidney-stones/basics/prevention/con-20024829>.

8. Psorijaza ^{11993...India}

Muškarac (41) koji je pet godina patio od psorijaze kontaktirao je praktičara 7. septembra 2014. Kada su se simptomi javili prvi put, pacijent je pomislio da se radi o alergiji te je koristio mast za istu. Stanje se pogoršalo, koža je postala tamnocrvenkasta i mnogo je svrbila. Prilikom češanja se ljuštila. Kako su lezije zahvatale cijelo tijelo osim lica i bile su vidljive, pacijent je izgubio želju da izlazi među ljude. Pokušao je s alopatskim i ajurvedskim tretmanima, ali bez mnogo uspjeha. Zato je prekinuo i s jednim i s drugim prije nego što se odlučio za vibrioniku.

Dobio je:

CC12.1 Adult tonic + CC15.1 Mental & Emotional tonic + CC21.10 Psoriasis...TDS.

Nakon dva mjeseca, u novembru, bio je 75% bolje. Svrab je prestao, a ljuštenje se smanjilo u značajnoj mjeri. Na lezijama je počela da se javlja nova mlada koža. Pet mjeseci nakon što je počeo uzimati vibro

lijekove, 5. februara 2015, pacijent je bio 100% bolje. Lezije na tijelu su mu potpuno zacijelile. Doziranje mu je postepeno smanjivano do **OW** do juna 2015. kada je tretman prekinut. Pacijent nastavlja biti dobro i od augusta 2016. nije imao relaps.

9. Visok krvni pritisak, varikozni ulceri ^{11276...India}

Gospođa (55) je patila od visokog pritiska preko sedam godina, a od varikoznih ulcera u obje noge petnaest godina. Kada je 14. novembra 2015. posjetila praktičarku, ulceri su bili neprijatnog mirisa, a iz njih su curile krv i bjeličasta tekućina. Bila je u bolovima. Noge su joj bile otečene. Desna noga više od lijeve, i nije bila u stanju hodati. Prema savjetu doktora, na noge je stavila zavoje. Pritisak joj je bio 220/100. Bila je na alopatskim lijekovima za oba stanja, ali problemi se nisu riješili. Ranije je pokušala sa alopatskim i homeopatskim tretmanima, ali bez uspjeha.

Dobila je sljedeće:

#1. CC3.3 High Blood Pressure (BP) + CC3.7 Circulation + CC15.1 Mental & Emotional tonic...5TD

#2. CC8.6 Menopause + CC12.1 Adult tonic + CC18.5 Neuralgia...5TD

U početku, oko mjesec dana, pacijentkinja je nastavila alopatski tretman uporedo s gore navedenim vibro lijekovima. Nakon sedam dana pritisak joj je bio normalan, ali je pacijentica nastavila sa **#1 - 5TD**. Međutim, napredak sa varikoznim ulcerima je bio spor i iznosio je svega 20% u prvih šest sedmica.

Zato je 25. decembra **#2** zamijenjen sa **#3** prema sljedećem:

#3. CC21.11 Wounds & Abrasions + #2...5TD

Do kraja decembra, napredak se popeo do 50%. Praktičarka joj je predložila da ukloni zavoj i da noge izloži zraku, osim kad putuje.

U roku od dva mjeseca, 15. januara 2016, varikozni ulceri su bili 80% bolje. Noge su joj bile gotovo zdrave i mogla je normalno hodati. Međutim, otok je još uvijek bio prisutan.

Nakon toga je trebala ići na put nakon čega je doživjela potpuni relaps varikoznih ulcera. Zato je 25. januara preskripcija promijenjena prema sljedećem:

#4. CC10.1 Emergencies + #1...QDS mjesec dana, tako da je **#1** prekinut

#5. CC17.2 Cleansing...TDS sedam dana

#6. CC3.7 Circulation + CC21.11 Wounds & Abrasions...5TD u djevičanskom kokosovom ulju za vanjsku primjenu nakon čišćenja rane vodom prokuhanom s kurkumom, svetim bosiljkom (tulsi), stabljikom i lišćem bibera, lišćem nima, betelovim lišćem i solju.

Kombinaciju **#3** je nastavila uzimati kao i ranije.

Promjene u lijekovima rezultirale su povlačenjem tekućine iz oteknutih nogu. Doktori su potvrdili da je to pozitivan znak. Postepeno je napredovala i za tri sedmice, sredinom februara, osjećala se bolje za oko 40%. Rane koje su bila žučkaste sad su postale crvene, što može ukazivati na bolju cirkulaciju. Otok u nogama se smanjio za 65%.

Krajem februara, dok joj se stanje nastavilo popravljati, **#4** je zamijenjen sa **#1**, a **#3** i **#6** su nastavljani prema ranijem. U aprilu je nakon dva mjeseca poboljšanje napredovalo do 60% i 70%. Do 20. augusta, sveukupno poboljšanje je iznosilo 85%. Rane su joj se gotovo skroz isušile, a preko njih je počela da se formira tanki sloj kože. Pritisak joj je konstantno bio unutar granica normale, a zadnji izvještaj iz augusta 2016. je pokazivao - 128/86. Pacijentkinja nastavlja preventivno uzimati **#1. CC21.1 Skin tonic** je dodat kombinacijama **#3** i **#6** kako bi joj se pomoglo da postigne potpuno izlječenje. U proteklih osam mjeseci nije uzela niti jedan alopatski lijek.

10. Mokrenje u krevet ^{11276...India}

Roditelji šestogodišnjeg dječaka koji je mokrio u krevet gotovo cijeli život kontaktirali su praktičarku 9. novembra 2015. Tokom proteklih pet godina pokušali su sa alopatskim, ajurvedskim i homeopatskim tretmanima, ali bez uspjeha. Dječak je bio vrlo uznemiren zbog ovog problema, što je vjerovatno bilo pogoršano činjenicom da su ga roditelji često upoređivali s njegovim bratom koji je bio vrlo svjestan po tom pitanju.

Dobio je sljedeće:

CC12.2 Child tonic + CC13.3 Incontinence + CC15.1 Mental & Emotional tonic...5TD

Za manje od sedam dana potpuno je prestao mokriti u krevet – bio je potpuno zdrav. I on i roditelji bili su oduševljeni zbog toga. Doziranje je postepeno smanjivano u narednih nekoliko sedmica. Prilikom sljedećeg susreta, u julu 2016, nakon pauze od sedam mjeseci, roditelji su potvrdili da je dječak i dalje dobro i da nikada više od zadnje kontrole nije mokrio u krevet.

+++++
11. Psihoza ^{11576...India}

Jako izmučeni otac doveo je svog 13-godišnjeg sina na liječenje u januaru 2016. Sin je u proteklih sedam mjeseci odbijao ići u školu, a također je povremeno pokzivao znake ravnodušnosti, bijesa i otpora prema autoritetu.

Oko deset mjeseci ranije, pacijent je već jednom ispoljio simptome takvog ponašanja. Zbilo se to 14 mjeseci nakon što je propao uspješan posao njegovog oca, za šta je porodica vjerovala da je uzrokovano crnom magijom koju su mu priredili njegovi suparnici. Tada su dječaka odveli muslimanskom svećeniku koji ga je uspješno izliječio učenjem Kur'ana. Tada je dječak krenuo u školu... Ali nakon samo dva mjeseca, dječak je opet prestao ići u školu i ovoga puta hodžini naponi nisu pomogli. Nakon toga su ga vodili različitim savjetnicima i uglednim psihijatrima, ali je dječak odbijao saradnju jer ga takve konsultacije nisu zanimale. Također je odbijao uzimati alopatske lijekove.

Dana 10. januara je dobio sljedeći lijek:

CC12.2 Child tonic + CC15.2 Psychiatric disorders + CC17.2 Cleansing + CC17.3 Brain & Memory tonic...TDS

Već sljedećeg dana je bio spreman ići u školu. Porodica je bila presretna što je napokon dospio u školu nakon nekoliko mjeseci pauze. Međutim, nekoliko sati kasnije praktičaru su javili da umjesto da pohađa nastavu, dječak sjedi ispred kancelarije školskog pedagoga. Porodici je savjetovano da nastave s lijekom. Od sljedećeg dana pa nadalje, dječak je pokazao 100%-ni oporavak, vratila mu se životna radost i ponovo je počeo redovno pohađati nastavu. Lijek je prestao uzimati sredinom aprila 2016. Od augusta 2016. on je i dalje normalno sretno dijete koje pohađa školu redovno i ne preskače niti jedan jedini dan.

Očev komentar: Pored uglednih ljekara, tražio sam pomoć i od svećenika kako bih riješio problem svog starijeg sina. Ništa ga nije moglo natjerati ni da se približi školi, niti da čak eventualno uči privatno. Njegovo ponašanje je povremeno bivalo vrlo zastrašujuće. Božanska milost i vibrionički lijekovi vratili su moga sina u potpuno normalno stanje.

Komentar praktičara: Visak je kod dječaka otkrio prisustvo nekoliko entiteta, kletvi i crne magije.

CC15.2 Psychiatric disorders se pokazao uspješnim preparatom u takvim slučajevima.

+++++
12. Aplastična anemija ^{11274...India}

Gospođa (47) sa dijagnozom aplastične anemije kontaktirala je praktičara 25. januara 2011. Patila je od tog stanja sedam godina te se liječila u regionalnom Onkološkom centru. Bila je ophrvana bolom te je morala uzimati šest analgetika dnevno. Pored toga je mokrila krv te osjećala hladnoću po cijelom tijelu. Osjećala je i nepodnošljiv svrab po cijelom tijelu koje je bilo prekriveno gnojnim ranama. Uzimala je alopatske lijekove koji joj nisu nimalo pomagali.

Dobila je sljedeći lijek:

#1. CC10.1 Emergencies...BD

Pacijentkinja je nastavila alopatski tretman uporedo s vibro lijekom. Nakon nekog vremena, u snu praktičarke se pojavio Sai Baba rekavši joj da bi pacijentkinji trebala dati **CC21.11**.

Dana 25. februara praktičarka je dodala:

#2. CC21.11 Wounds & Abrasions + #1...TDS

Sedam dana kasnije pacijentkinja se još uvijek žalila na jak svrab. Praktičarka ju je hrabrila i savjetovala da nastavi sa **#2** jer je tako predložio Sai Baba, te je utješila. U roku od mjesec dana koža je počela da joj zacjeljuje. Sada je Sai Baba opet uputio praktičarku da u gornju kombinaciju doda **CC3.1**.

Tako je kombinacija promijenjena na:

#3. CC3.1 Heart tonic + #2...TDS

Sada je pacijentkinjino stanje počelo rapidno da se popravlja. Dana 24. aprila bila je potpuno izliječena od aplastične anemije. Na osnovu dijagnostičkih testova u Onkološkom centru, doktori su potvrdili da nema potrebe da ih više posjećuje. Njen vibro lijek je zatim postepeno smanjivan i na kraju prekinut.

Komentar praktičarke: Prethodno je pacijentkinja zbog teškog zdravstvenog stanja izbjegavala izlaziti iz kuće. Međutim, u aprilu 2011, po prvi put, izašla je vani, otišla na *bhajane* u Sai centar skupa sa kćerkom i ponudila Swamiju *arathi*; bila je beskrajno sretna.

❧ Profili praktičara ❧



Praktičarka ^{11958...India}, oftalmologinja Zdravstvene službe u Kerali u mirovini, koja sada služi kao profesorica na jednom privatnom medicinskom koledžu, je Sai Babina poklonica od 1962. godine. Za Vibrioniku je prvi put saznala putem intervjua sa Aggarwalima koji je čula na Souljournu. Kako se zanimala za alternativnu medicinu te imala želju da tretira različite vrste bolesti, prilika da nauči Sai Vibrioniku je odmah rezonovala s njenim srcem. Za nju je šlag na tortu bila činjenica da je Swami blagoslovio ovaj sistem liječenja, te da je potvrdio da je On taj koji liječi! Ona je praktičarka od jula 2015.

Gospođa živi u *Saigramam* kampusu koji vodi Sathya Sai povjerenstvo za sirotišta u Kerali gdje ima mnogo prilika za služenje. Povjerenstvo obuhvata nekoliko ustanova kao što su sirotište, domovi za stare osobe, škola, dom za muškarce s poteškoćama u mentalnom razvoju, i sl. Ona brine o svim šticeenicima kroz redovne mjesečne kampove koji se održavaju u kampusu te kroz pojedinačne konsultacije, uključujući hitne intervencije. Redovno daje vibrioničke lijekove u vidu kapi za oči u ružinoj vodici stanovnicima doma za starije. Praktičarka je imala pozitivno iskustvo sa životinjama, ali je uglavnom tretirala krave za različite vrste povreda i postporođajnu brigu. Beskrajno je sretna što ju je Swami odabrao da može služiti u Njegovoj misiji!

Primijetila je da se lica pacijenata najednom ozare kad počnu uzimati vibro lijekove. U njenoj praksi slučajevi alergija i artritisa su dobro reagirali na vibrioniku. Jedan od svojih slučajeva smatra pravim čudom gdje je gospođa sa dijagnozom makularne distrofije i vrlo slabim prognozama reagovala na vibrionički tretman i kojoj se vid značajno popravio. Također je primijetila kako se kod djece koja uzimaju kombinaciju za 'Ispite' značajno popravljaju sposobnost učenja i koncentracije: **CC15.1 Mental & Emotional tonic + CC17.3 Brain & Memory tonic. CC4.1 Digestion tonic + CC12.2 Child tonic** se pokazala kao još jedna super kombinacija za djecu. Prema njenom iskustvu, vibrionički lijekovi napravljeni u ulju za vanjsku primjenu, uporedo s oralnim remedijama, proizvode fantastične rezultate.

Također, skupa s praktičarkom¹¹²⁷⁶ organizuje mjesečne kampove u *ashramu* Amritanandamayi. Vremenom se njena praksa razvila i sada tretira oko 100 pacijenata mjesečno. Povremeno predlaže vibrioniku pacijentima koji je posjećuju u bolnici tražeći konvencionalni tretman, naročito kada pate od bolesti za koje ne postoji opcija daljnjeg tretmana. U samo godinu dana uspješno je tretirala veliki broj oboljenja kao što su alergijski rinitis, kožne alergije, epilepsija, gubitak vida, cista lojnih žlijezda, artritis, žučni kamenac, osjetljivi zubi, sindrom karpalnog tunela, alergija na sunce, bradavice, akne, hirzutizam, itd. Također je tretirala nekoliko životinja i biljaka. Pacijentima i članovima porodice koji su daleko lijekove šalje poštom.

Praktičarka vjeruje da tretiranje pacijenata uz potpunu posvećenost i molitvu čini čuda. To ju je razumijevanje učinilo poniznijom. Ona radi kao Swamijev instrument i vidi Boga u svakom pacijentu kojeg tretira, i jako je sretna što ima priliku prakticirati vibrioniku.

Slučajevi za podijeliti

- [Gubitak vida](#)
- [Diskoloracija lica, hirzutizam](#)
- [Proširene vene, respiratorna alergija](#)

+++++



Praktičar ^{11993...India}, činovnik koji radi za Poreznu upravu Kerale vrlo je uspješan i iskusan praktičar. Filantrop u srcu, već 12 godina organizira redovno služenje ručka ispred hrama u Trivandrumu za oko 200 ljudi svaki dan. Pored toga, redovno učestvuje u masovnom hranjenju potrebitih za vrijeme vjerskih praznika.

Godine 2001. prebacili su ga u siromašni kraj Kasargod. Tri godine kasnije, majka mu je dobila dijagnozu terminalnog karcinoma debelog crijeva i dali su ju joj svega nekoliko, maksimalno sedam, dana života. Slijedeći njene želje, praktičar ju je doveo kod sebe i tretirao je alternativnim terapijama kao što su reiki i naturopatija. Majka je poživjela još tri mjeseca i umrla mirno, okružena bližnjima. To je ovog praktičara nadahnulo snažnom željom da pomaže ljudima koji su oboljeli od terminalnih bolesti kao što je karcinom. Obučio se u brojnim alternativnim sustavima liječenja kao što su naturopatija, reiki, liječenje *pranom*, akupresura, su jok terapija, terapija zvukom uz korištenje himalajskih i tibetanskih zvučnih zdjela. Također je na renomiranim akademijama dobio kvalifikacije u hipnozi i savjetovanju, kao i u psiho-neurobici.

Kasargod distrikt je bio pogođen tragedijom izazvanom zračnim prskanjem pesticida Endosulfana koji je zagadio izvorišta vode za stotine porodica. Dirnut strašnim prizorima mentalno i fizički hendikepirane djece, praktičar je htio tretirati mnogo ljudi za kratko vrijeme, ali sve navedene terapije su bile neadekvatne za to i tražile su dosta vremena. Zato se pomolio Swamiju za jednostavnije rješenje. Ubrzo nakon toga mu je njegov reiki učitelj i vibro praktičar¹¹¹⁷⁸ rekao za učinkovitost vibrionike. To je u njemu potaknulo duboku želju da prođe obuku, ali mu je rečeno da neće odgovarati kritierijima za odabir. Odlučan, on se nastavio moliti Swamiju. Rano jednog jutra oko 3h, imao je vrlo živ san Sai Babe okruženog *devama* i *rishijima*. U snu je stajao na kraju dugačkog reda kad mu je Swami dao znak da Mu priđe, a zatim mu dao Svoj blagoslov. Sljedećeg jutra pojavila se prilika za prvostepenu obuku u Vibrionici u Sai centru u Kasargodu. I on i supruga su je uspješno završili.

Ovaj posvećeni par se udružio s drugim praktičarima i omogućio liječenje Vibrionikom pacijentima u plemenskim područjima. Tim je liječio brojna stanja uključujući kožne bolesti kao što su psorijaza, zatim alergije, astmu, očne bolesti, fizičku i mentalnu zaostalost, poteškoće u učenju i spontane pobačaje. Swamijevom milošću u brojnim je slučajevima došlo do čudesnih izlječenja. Od 2013. također je redovno uspješno tretirao pacijente koje mu je slalo Odjeljenje za bol i palijativnu njegu u Kasargod bolnici. Uočivši napredak do kojeg su dovodili njegovi lijekovi, ova su odjeljenja počela davati vibrioniku terminalno bolesnim pacijentima što je bilo praćeno velikim uspjehom. Samo on je tretirao preko 10 000 ljudi sa izvrsnim rezultatima.

Pored toga, počeo je podizati svijest o vibrionici među poljoprivrednicima, peradarima i proizvođačima mliječnih proizvoda. Uz podršku nekih poznatih filmskih glumaca iz Južne Indije, poduzeti su mnogi projekti sa izvrsnim rezultatima u poljoprivredi kao i u uzgoju životinja. U to spadaju organski usjevi i organska proizvodnja mliječnih proizvoda, te je naročito u njegovom istraživanju na jednoj vrsti patuljastih krava prinos mlijeka značajno porastao. Rastuća svijest o vibrionici za poljoprivredu privukla je pažnju naučnika Centralnog odjeljenja za sadnju gomoljastih biljaka indijske vlade u Kasargodu. Zbog unaprijeđene produktivnosti oni pokazuju veliko zanimanje za njegov rad koji je sada proširen na imanja u drugim područjima Kerale.

U stočnoj industriji, seljaci nalaze da su vibro lijekovi korisni za različite bolesti kao što su problemi s kopitima, vimenom i proljevom. Mnogi veterinari i stručnjaci za stoku koristili uspješno su koristili vibro preparate. Jedan vlasnik živinarske farme koji je i profesor te šef odjeljenja na tehničkom koledžu izvijestio je o nevjerojatnim rezultatima. On je počeo koristiti vibro lijekove nakon masovne smrti njegovih kokošaka. Sada izvještava od poboljšanoj proizvodnji jaja uz redovnu upotrebu vibro lijekova.

Nedavno je pored Kasargoda počeo prakticirati u još dvije obližnje lokacije. Također, redovno nudi tretmane u školama, sirotištima i domovima za stare osobe. Tvrdi da postiže čudesne rezultate, naročito u slučajevima kletvi, crne magije i sličnog. Prskanje remedijama za mir u domovima opterećenim porodičnim sukobima često rješava probleme. Osjećajući kako je djelokrug vibrionike beskrajan, namjerava primijeniti ovaj agens mira na većem nivou u Kasargodu, na mjestima gdje vladaju napetost u zajednici, konflikti i nemiri.

Prema njemu, **beskrajna vjera, beskrajna fleksibilnost** te **beskrajna kreativnost** ključne su riječi svakog napretka. Postati posvećenim instrumentom u Božijim rukama i služiti Boga u svemu što vidimo s čistom ljubavlju, za njega predstavlja najviši cilj. On smatra da je to ono što će omogućiti savršeno liječenje koji će zauzvrat proizvesti čudesan rezultat. Ako zasluge ne pripisujemo sebi, već sve zasluge i

čast pripisujemo jedinom istinskom Iscjelitelju, otvaramo vrata Milosti. Ovaj je praktičar beskrajno zahvalan što je u svojoj praksi Sai Vibrionike blagoslovljen prilikom da služi svog voljenog Sai Babu. On kaže: "Kad bih cijeli svoj život radio *sevu*, to ne bi bilo dovoljno da izrazi moju beskrajnu zahvalnost Swamiju."

Slučajevi za podijeliti

- [Karcinom dojke](#)
- [Karcinom želuca, crijeva i bubrega](#)
- [Zatajenje bubrega](#)
- [Kamenac u bubregu](#)
- [Psorijaza](#)



Praktičarka ^{11276...India}, šefica NIIT (vodeća kompanija za IT obuku) centra u Trivandrumu, pod Sai Babino okrilje došla je prije dvadeset godina. Vibrionikom se bavi od 2010. Ranije nije pokazivala zanimanje za učenje o bolestima i alopatskim tretmanima. Prema njenim riječima, "poput umjetnika koji kamen preobrazi u prekrasnu skulpturu", Swami ju je putem različitih iskustava postepeno preobrazio u ono što je ona danas. Prethodno je prakticirala reiki i Sai Sanjeevini iscjeljivanje. Kasnije, 2006. godine, sreća se sa vibrionikom putem prijateljice, ali tek je 2010, kada se u Kerali organizirala radionica, dobila priliku da prisustvuje prvom nivou obuke. Sljedeće godine je završila sljedeći nivo te postala VP. Od tada je instrument u Swamijevim rukama predan služenju.

Priznaje da je njena praksa u početku bila više mehanička, i da se oslanjala samo na pravila iz knjiga. Vremenom je stekla više samopouzdanja te postala intuitivnija slušajući svoj unutarnji glas. To je očito iz visoke stope uspješnosti u njenoj praksi. Ona vjeruje da kad osoba radi kao instrument u Božijim rukama, to pomaže u smanjivanju ega. Kad kod njenih pacijenata dođe do poboljšanja, ona u tome vidi samo Božiji blagoslov. Svjedočenje čudesnim izlječenjima izbliza u njoj podstiče pozitivno razmišljanje što joj daje još veću snagu da radi *sevu*. Osjeća kako ova praksa unapređuje njen duhovni razvoj.

U proteklih godinu dana bila je blagoslovljena prilikom da skupa sa praktičarkom¹¹⁹⁵⁸ organizira tri medicinska kampa svakog mjeseca. To joj daje priliku da uči kao i da dijeli svoja iskustva s drugima. Također joj dolaze i pojedinci izbliza i izdaleka. Posebno joj zadovoljstvo prčinja tretiranje biljaka i životinja. Ovdje dijeli jedan prekrasan događaj koji smatra čudom. Ne znajući za to, njen prvi kamp desio se na Svjetski dan dijabetesa. Oko sto dijabetičara je čekalo na konsultacije, a njena bočica s lijekom za dijabetes **CC6.3** pukla je dok ju je držala u ruci. Brzo je uspjela spasiti nekoliko kapljica u veću bočicu; ona vjeruje da je to bila Božija intervencija te indikator sve većeg broja dijabetičara koji su od tada počeli dolaziti. I zanimljivo, svi oni bivaju izliječeni...

Vremenom je u praksu počela uključivati i neke tradicionalne terapije kao što je čišćenje rana izazvanih ulcerima proširenih vena prokuhanom vodom napravljenom od listova neema, kurkume i tulsija (sveti bosiljak) uporedo s vibrionikom, što je davalo bolje rezultate. Stavljanje vibro lijekova u domaće djevičansko kokosovo ulje za kožne bolesti se također pokazalo vrlo efikasnim.

Osjeća da je ona samo skromni instrument u Njegovim rukama te da Božansko izrađuje sve planove za nju. Ona vjeruje da će se Swami pobrinuti za sve praktičare u skladu s Njegovim velikim planom a da je ključ za to potpuna predanost.

Slučajevi za podijeliti

- [Visok pritisak, varikozni ulceri](#)
- [Mokrenje u krevet](#)

☞ Kutak za odgovore ☜

1. Pitanje: Zašto je važno piti mnogo tekućine dok uzimamo vibro lijekove ?

Odgovor: Mi preporučujemo da pacijenti piju 2 do 3 litra čiste vode dnevno. Na fizičkom nivou, vibrionički lijekovi izvlače toksine iz tjelesnih organa/sistema u krv, a voda pomaže bržem izbacivanju toksina. Unošenje dovoljne količine vode ubrzava proces iscjeljenja. Voda također prenosi hranjive materije dok podupire i ubrzava metabolizam. Ako ne održavamo hidraciju na zadovoljavajućem nivou, izvedba na fizičkom nivou može ispaštati. Medicinska istraživanja su pokazala da gubitak tekućine od samo 1.5% (kao npr. za vrijeme intenzivne tjelovježbe ili velikih vrućina) može dovesti do promjene temperature tijela, smanjene motivacije, poremećaja raspoloženja i koncentracije, povećane učestalosti glavobolja i osjećanja tjeskobe i iscrpljenosti te privremenog gubitka pamćenja.

Treba napomenuti da postoji nekoliko problema sa zdravljem koji mogu dobro reagirati na povećani unos vode, kao što su npr. konstipacija, karcinom, kamenac u bubregu i sl. Pijenje vode oko pola sata prije obroka može smanjiti unos kalorija, naročito kod starijih osoba. To je zato što pijenje vode smanjuje apetit i na taj način pomaže kod gojaznosti.

2. Pitanje: Kako možemo primijeniti vibrice da unaprijedimo kvalitet vode za piće?

Odgovor: Strukturirana voda je vjerovatno najbolja voda koju možemo dobiti za piće. Postupak za dobivanje ove vode nalazi se u priručniku za AVP. Međutim, možemo pojačati vitalnost vode tako što ćemo u čistu vodu za piće dodati sljedeću kombinaciju: **NM12 Combination-12 + SR360 VIBGYOR**. Ili alternativno, **CC12.1 Adult tonic**.

3. Pitanje: Šta da radim u slučaju opekotine kod djeteta?

Odgovor: Na isti način tretiramo opekotine kod djece i kod odraslih. Najbolji lijek za trenutačno olakšanje je redovno uzimati **SR346 Cantharis 6X** i u **1X** potenciji u vodi za kontinuiranu vanjsku primjenu. Dobro je imati tubu **Cantharis** kreme (dostupne u homeopatskoj apoteci) u kuhinji tako da je možete odmah nanijeti i pustiti da djeluje.

Ako nemate gornji lijek ili kremu, najprije trebate ohladiti zahvaćeno područje; to će smanjiti temperaturu kože i spriječiti pogoršanje. Koristite hladnu vodu koja curi iz slavine Ili potopite zahvaćeni dio tijela u lavor vrlo hladne vode. Vodu mijenjajte redovno kako biste je održavali vrlo hladnom. Bol će se povući u roku od 15 do 30 minuta, u ovisnosti od ozbiljnosti opekotine. Nemojte koristiti led ili zaleđenu vodu jer to može dovesti do oštećenja tkiva. Nemojte pucati nikakve plikove. Upotrijebite sljedeći lijek:

CC10.1 Emergencies + CC15.1 Mental & Emotional tonic + CC18.5 Neuralgia + CC20.1 SMJ tonic + CC21.1 Skin tonic + CC21.4 Stings & Bites + CC21.11 Wounds & Abrasions...6TD

Jedan japanski praktičar koristi majčinsku tinkturu od lišća japanske mušmule (nešpole) – jednog od najučinkovitijih prirodnih sastojaka. Nju možete poprskati ili nježno nanijeti na zahvaćeno područje.

4. Pitanje: Shvatio sam iz priručnika za AVP/SVP praktičare da se tragovi herbicida, pesticida, vještačkog đubriva i sl. mogu ukloniti iz vještački uzgojenog voća i povrća pomoću soli i sirćeta. Može li se uz pomoć vibrionike postići isti rezultat?

Odgovor: Potapanje u rastvor soli i sirćeta je svakako dobar način za čišćenje voća i povrća. Međutim, učinkovitost ove procedure se može značajno uvećati ako u rastvor dodate: **NM45 Atomic Radiation + NM46 Allergy-2 + SM1 Removal of Entities + SR324 X-ray** (ako koristite 108CC kutiju, onda je kombinacija za to **CC17.2 Cleansing**). Možda ćete biti iznenađeni kad otkrijete prirodni prvobitni ukus tog voća i povrća. Ljeti je najbolje u vodu staviti nešto leda. Važno je upamtiti da NE TREBA dodavati sirće za potapanje riže i avokada.


5. Pitanje: Tretiram mnogo starijih pacijenata koji pate od hroničnog bola u koljenu usljed degeneracije zgloba. U nekim slučajevima vibro globule ne pomažu mnogo. Postoji li još nešto što bih mogla učiniti za njih?

Odgovor: Osnovni uzrok ovog vrlo raširenog problema jeste stanjivanje hrskavice (uložak između kostiju) koje pogađa kosti i rezultira osteoartritisom. Bez sumnje već dajete: **CC20.2 SMJ pain + CC20.3 Arthritis + CC20.4 Muscles & Supportive tissue**. Pored globula, gornju vibraciju dodajte u mješavinu ricinusovog, ulja od kikirikija i ulja od crnog kumina te je koristite za masažu bolnih područja, poželjno nakon kupanja vrućom vodom. To bi trebalo pružiti prijeko potrebno olakšanje; ako je potrebno, možete koristiti i oblogu. Za žene u menopauzi, dok se smanjuje izlučivanje estrogena, biće od pomoći ako u gornju kombinaciju dodate **SR513 Oestrogen** (uvršten u **CC8.1**).

Za takve je pacijente od izuzetne važnosti održavati zdravu tjelesnu težinu jer višak kila pritišće sve zglobove, naročito koljena. Novo istraživanje pokazuje da za svaku kilu koju tijelo dobije, kod pretilih i gojaznih ljudi koji pate od osteoartritisa koljena dolazi do povećanja pritiska u koljenskom zglobovu od 4 kg. Kada se osoba penje ili spušta niz stepenice, pritisak u koljenskom zglobovu može se povećati i do osam puta.

Dakle, oslobađanje od viška kila može značajno smanjiti pritisak na koljena. Ne samo da će to smanjiti bol u koljenu, već će smanjiti i buduće trošenje zgloba.

Redovno vježbanje je još jedan važan faktor kod upravljanja bolom u koljenu. Ljudi koji pate od osteoartritisa mogu izbjegavati vježbanje zbog straha da će im ono izazvati bol. Međutim, lagane aktivnosti kao što su plivanje, hodanje ili bicikliranje mogu unaprijediti pokretljivost i povećati snagu. Treniranje s lakim utezima može pomoći jačanju mišića oko zglobova, npr. jačanje kvadricepsa može smanjiti bol u koljenima.



☪Božanske riječi Vrhunskog Iscjelitelja ☪

"Nemojte dok služite razvijati ponos zbog svojih sposobnosti. Budite ponizni i mislite kako vam je Bog dao priliku da služite. Šta god činite za druge, trebate imati osjećaj kao da služite sebi. Zapravo, istina i jeste da kad god služite drugima, vi služite sebi... Služba koju učinite danas vratiće vam se u budućnosti."

-Sathya Sai Baba, "Služenje čovjeku je služenje Bogu" Ljetni pljuskovi u Brindavanu 1973.

<http://www.sssbpt.info/summershowers/ss1973/ss1973-08.pdf>

+++++

"Loše misli uzrokuju bolest. Tjeskoba, strah i napetost doprinose tome. Sve to proizilazi iz pohlepe, pohlepe da se ima više stvari, moći i slave. Pohlepa rezultira tugom i očajanjem. Zadovoljstvo može proisteci samo iz duhovnog pogleda na svijet. Želju za svjetovnim dobrima treba odbaciti. Osoba ne bi trebala praviti razliku između "mog rada" i "rada za Boga." Svako djelovanje treba biti čin štovanja. Koja god je nagrada, to je dar od Boga. To je za naše trajno dobro. Ako razvijemo ovakav stav, tada nas patnja i bol mogu ojačati i pomoći nam na našem putu ka Božanskom."

...Sathya Sai Baba, "Dobro zdravlje i dobrota" govor od 30. septembra 1981.

<http://www.sssbpt.info/ssspeaks/volume15/sss15-21.pdf>

Obavještenja

Predstojeće radionice

- ❖ **Francuska Vienne:** Seminar za obnavljanje znanja i podizanje svijesti, 11. septembar 2016, kontaktirati Danielle na trainer1@fr.vibrionics.org
- ❖ **SAD Shepherdstown, WV:** SVP radionica 16-18. septembar 2016, kontaktirati Susan na trainer1@usa.vibrionics.org
- ❖ **UK Oxford:** SVP radionica 7-9. oktobar 2016, kontaktirati Jerama na jeramjoe@gmail.com ili putem telefona na 020-8551 3979
- ❖ **UK Liverpool:** AVP radionica 24-25. oktobar 2016, kontaktirati Hem na 99sairam@vibrionics.org
- ❖ **India Puttapparthi:** AVP Workshop 17-20. novembar 2016, kontaktirati Hem na 99sairam@vibrionics.org
- ❖ **Poland Wroclaw:** Nacionalni seminar obnavljanja znanja 25-26. mart 2017, kontaktirati Dariusza na wibronika@op.pl
- ❖ **UK Oxford:** SVP radionica 7-9. oktobar 2016, kontaktirati Jerama na jeramjoe@gmail.com ili putem telefona na 020-8551 3979

Dodatak

Pokrenuta mreža odašiljanja vibracija na daljinu

Tokom nekoliko proteklih godina koordinatorica za SAD/Kanadu⁰¹³³⁹ je aktivirala stare praktičare i praktičarke koji nisu radili *sevu* zbog nedostatka pacijenata, ali su prije mnogo godina dobili Sai Ram mašinu za potenciranje lijekova (SRHVP). U februaru 2016, dok je sjedila u *darshan* holu u Prashanti Nilayamu, odjednom joj je došla misao da bi trebala povezati ove stare praktičare (SVP) sa početnicima (JVP) koji imaju vrlo bolesne pacijente smještene na velikim udaljenostima ili u bolnicama. Dosada je jedini način za tretiranje takvih pacijenata bio da im se lijekovi šalju poštom. Ukoliko se to nije postiglo, pacijenti bi ostali bez ikakvog vibro tretmana. Shvativši da joj je ovu misao poslao sam Swami, odmah je uočila beskrajn potencijal za širenje Vibrionike. Na taj način bi praktičari sa SRHVP imali dodatnu priliku da služe odašiljanjem lijekova pacijentima koje bi im preporučili JVP a koji nemaju priliku direktno primiti vibrioničke lijekove.

Za glatko sprovođenje ove inicijative za upravitelja mreže imenovan je SVP ^{02877...USA}. Na posebnu priliku Guru Purnime, 19. jula 2016, pokrenuta je mreža za odašiljanje vibracija sa 16 dobrovoljaca koji posjeduju mašinu. Osnovna uloga upravitelja jeste da spoji svakog JVP koji treba tretman za svog pacijenta sa dostupnim SVP praktičarom te da prati napredak tretmana. Shema izgleda ovako: JVP obezbijedi 'svjedoka', što može biti fotografija na kojoj je pacijent obuhvaćen u cijelosti (ili pramen kose ukoliko je izvodljivo). Nakon što se posavjetuje s upraviteljem, on/a to šalju SVP praktičaru/ki uporedo s medicinskim informacijama o pacijentu i stanjem situacije. SVP isprinta fotografiju na kvalitetnom fotografskom papiru i pripremi preskripciju. Zatim pripremi odgovarajući lijek i stavi ga u udubljenje za uzorak na potenciju 200C. Svjedok se stavlja u udubljenje za lijek, a zatim počinje odašiljanje iscjeljujućih vibracija uz iskrenu molitvu. JVP kontaktira pacijenta ili njegovu/njenu porodicu svaka 2-3 dana kako bi bio u toku sa stanjem te informacije prenosi SVP-ju koji u skladu s tim prilagođava remedije.

Za vrijeme prvog mjeseca, na daljinu je tretirano 14 pacijenata. Dosad su rezultati dobri, ali još su rani i nisu oficijelni. Zahvalni smo Saiju što nam je poslao ovu ideju te zahvalni za veći broj prilika za služenje koje odašiljanje na daljinu predstavlja.

Om Sai Ram!

Sai Vibrionika. . . na putu ka usavršavanju u *medicare* – zdravstvenoj brizi dostupnoj svima